

TBCC HI CYMA ENKAWL A NI LO ADVISORY BOARD AN AWM

-Ruاتفela Nu

TBCC a mualpho a, CYMA puh chhiat an ni ve zat a. A chhan chu TBCC khu CYMA enkawl riaka kan ngaih vang a ni. CYMA chuan ruihhlo do beihpui a thlak reng vangin, khawlai leh dai kawmkila ruihhlo ngaite a man khawm a, TBCC ah a dah thin vang a ni. Advisory Board member-ah CYMA OB nilai an awm lo a, CEC member an awm em ka hre lo. Chutiang chu TBCC a CYMA tel ve dan a ni. TBCC Advisory board hi tun tum buai atangin Pu Lalnunpuia Hrahsel leh Rev. K. Lalzuala te member an ni tih hriat theihna a lo awm a. 2017 buaiah khan NI. Mimi T. Lalhmachhuani leh Pu Vanhela Pachuau IAS (rtd) te kha Advisory board member an ni tih hriat theihna turin buaina a chhuah khan centre an thutchilh chawt a. A pawimawh ber chu eng nge an advice thin tih hi a ni awm e.

Heng Advisory board member-te hian social media site hrang hranga TBCC inenkawl na tha lo chungchanga puh chhiatnate hi a dik leh dik loh an zirchiang em? Entir nan- damlo thi mek ngaihsak loh te, hmeichhia saruaka inbual te, ei leh ina inthliarhranna te, chhungte thil an chah tir an lei tir leh nia sawi te, kut inthlaknate leh a dang tam tak kha dawt vek chu a ni lo tawp ang a. Advisory board member te'n "heng hi chu a ni ngai lo e, centre hian a la mualpho pui dah ang e, tin, excise emaw, YMA emaw rawn khawm luh pawh lak belh tawh lo ni se, an leng ngang tawh lo a nih hi, patling rual dar insi thapa saisira mut zankhua ngai hi a hreawm bakah thil fel lo pawh a thlen phah thei a,..." tiin emaw, "centre-a mahni duhthua rawn lut, chhungte dah, excise leh YMA dah pawh eng zat nge tha chhuak, course te hi a rei nge a tawi, heti tak hian patient kan ngah reng mai si a, tha chhuak an awm mumal loh chuan kan in-enkawl danah hian hmasawna thar zawn kan ngai a ni" tiin Pu Zohmingthanga hi khunkhan takin an titipui em? Nge a kal dan ngai tha an tih pui a, Centre an tlawh changin chawhlui tuihnai tak an lo siamsaka an lungawi mai thin? Nge Advisory board member te'n ruaite an zu theh sak thin zawk? Tin, thihna thleng thin a pawh ber a. Advisory board in a hriatpui em? Tuna chhuah huka drug overdose a thi pawh an tih ang hian, enkawl lai thi an awmin pawh an lo ti ve thin em?

YMA hi ruihhlo do kawngah an tangkai em em a, hunrei tak, rim tak leh hah takin ruihhlo an do a, do rem a hnehin phung velh ang maiin ruihhlo zuar leh chingdawklak an pung tual tual si a. Ko thlak dante zawng se, sawrkar tha tichak zawngin YMA hian police leh excise te hi vil ta zawk se, mipui chhiah pek tlingkhawm hmanga thlakip hlawn la, police leh excise zingah zu leh ruihhlo dang rui an awm chuan nawp hrep se a nia ka tih, YMA an hah si, a sawt si lo, mipuiin kan sel thin bawk si hi a buathlak. A ngaihna hriat thiam a har.

A tawp nan, TBCC Advisory board te hian, Pu Zohmingthanga thlavang hauhin press conference ko se a that ka ring hial a. Ar-chuk-tui-lo-ah an chhuah hawt si. A nih loh chuan thupha tal chawi sak sela mipui lung a dam mahna.